

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02 -14-4-747-5/19
Datum: 12.02.2019.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16), člana 70. u vezi sa članom 28. Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke, obrazovane Rješenjem broj: 02/5-1-14-4-1197 od 26.02.2018.godine, u postupku javne nabavke usluga noćenja sa doručkom i punim pansionom (ručak i večera) za policijske službenike Uprave policije Ministarstava unutrašnjih poslova drugih Kantona, kako bi se osiguralo pojačano prisustvo policijskih službenika na mjestima javnog okupljanja za vrijeme održavanja EYOF-a 2019. godine, policijski komesar Uprave policije Ministarstva unutrašnjih poslova Kantona Sarajevo, d o n o s i:

O D L U K U
o izboru ponuđača za nabavku usluga

I

Na osnovu Odluke, broj: 02-14-4-747/19 od 11.02.2019.godine, proveden je pregovarački postupak bez objave obavještenja sa jednim ponuđačem za nabavku usluga noćenja sa doručkom i punim pansionom (ručak i večera) za policijske službenike Uprave policije Ministarstava unutrašnjih poslova drugih Kantona, kako bi se osiguralo pojačano prisustvo policijskih službenika na mjestima javnog okupljanja za vrijeme održavanja EYOF-a2019. godine, a zbog gnusnog ubistva policajca Federalne uprave policije i aktivnosti koje se preduzimaju na rasvjetljavanju krivičnog djela u vrijeme održavanja EYOF-a.

II

Shodno izvršenom pregledu, ocjeni ponuda, nakon završenih pregovora i izvršenog poređenja cijena konačne ponude sa tržišnim cijenama, data je preporuku da se donese Odluka o dodjeli Ugovora ponuđaču “EMIRAN” d.o.o. Sarajevo, Aleja Bosne Srebrene bb, Sarajevo Novi Grad, kojim upravlja Federalna agencija za upravljanje oduzetom imovinom, za ponudenu ukupnu cijenu sa PDV-om, u iznosu od 79.800,00 KM.

III

Uprava policije Ministarstva unutrašnjih poslova Kantona Sarajevo će o rezultatima postupka obavijestiti ponuđača, radi zaključivanja Ugovora o javnoj nabavci, kojim će se regulisati međusobna prava i obaveze.

IV

Ova Odluka će se objaviti na web stranici Ministarstva unutrašnjih poslova Kantona Sarajevo.

V

Ova Odluka stupa na snagu danom donošenja.

Obrazloženje

Na osnovu Odluke, broj: 02-14-4-747/19 od 11.02.2019.godine proveden je pregovarački postupak bez objave obavještenja sa jednim ponuđačem za nabavku usluga noćenja sa doručkom i punim pansionom (ručak i večera) za policijske službenike Uprave policije Ministarstava unutrašnjih poslova drugih Kantona, kako bi se osiguralo pojačano prisustvo policijskih službenika na mjestima javnog okupljanja za vrijeme održavanja EYOF-a 2019. godine.

Shodno navedenom, zbog dokazivih razloga krajnje hitnosti, prouzrokovanih događajima nepredvidivim za Ugovorni organ, zbog čega se nisu mogli ispoštovati Zakonom o javnim nabavkama utvrđeni minimalni rokovi za otvoreni, ograničeni ili pregovarački postupak s objavom obavještenja i okolnosti (gnusnog ubistva policajca Federalne uprave policije i aktivnosti koje se preduzimaju na rasvjetljavanju krivičnog djela u vrijeme održavanja EYOF-a 2019. godine) kojima se opravdava izuzetna hitnost postupka, koje se ni u kom slučaju nisu mogle dovesti u vezu s Ugovornim organom, dana 11.02.2019.godine na web stranici MUP-a Kantona Sarajevo (ponuđač je i lično preuzeo tendersku dokumentaciju) objavljen je Poziv za pregovarački postupak bez objave obavještenja sa jednim ponuđačem i Tenderska dokumentacija za nabavku usluga noćenja sa doručkom i punim pansionom (ručak i večera) za policijske službenike Uprave policije Ministarstava unutrašnjih poslova drugih Kantona, kako bi se osiguralo pojačano prisustvo policijskih službenika na mjestima javnog okupljanja za vrijeme održavanja EYOF-a 2019. godine, a u skladu sa Zaključkom Vlade Kantona Sarajevo, broj: 02-05-3024-1/19 od 10.02.2019.godine.

Izvršen je pregled i ocjena dostavljene ponude i konstatovano je da ponuđač ispunjava uslove za sudjelovanje u drugoj fazi postupka (koji obuhvata pregovore).

Dana 12.02.2019.godine na zakazanim pregovorima, ponuđač je, u skladu sa tenderskom dokumentacijom, izjavio da početnu ponudu smatra i konačnom ponudom.

Izvršeno je poređenje cijena konačne ponude sa tržišnim cijenama i utvrđeno da ista nije veća od uporedive tržišne cijene, zbog čega je konačna ponuda prihvaćena i data preporuka da se ugovor dodjeli ovom ponuđaču.

Cijeneći sve navedeno odlučeno je kao u dispozitivu Odluke.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema obavještenja, a u skladu sa članom 99. i 101. Zakona o javnim nabavkama.

Dostaviti:

1. Ponuđaču
2. Sektoru za materijalno-fnansijske poslove
3. Odjeljenju za odnose s javnošću, radi objave na web stranici ovog organa
4. a/a

